

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部

第三五一冊



責任編輯：孫言誠 賀 偉

ISBN 7-5333-0615-5



9 787533 306151 >

ZB22/03

四庫全書存目叢書·集部三五一

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇書籍裝印務有限公司印製

787×1092毫米 16開本 49.125印張

1997年7月第1版 1997年7月第1次印刷

印數 1 196

ISBN 7 5333 0615 5

Z·66 集部定價：127800圓

集部第三五一冊目次

集部・總集類

啓雋類函一百七卷目錄九卷(三)

〔明〕俞安期等編
遼寧大學圖書館藏明萬曆刻本

古文品外錄十二卷

〔明〕陳繼儒選評
私藏明刻本

啓雋類函一百七卷目錄九

卷(三)

〔明〕俞安期等編

遼寧大學圖書館藏明萬曆刻本

附《四庫全書總目·啓雋類函

一百九卷》提要

啓雋近體卷八十三

類函九十五

東吳俞安期美長彙編

上饒王嗣經曰常同輯

建武鄧漢遠遊訂定

郡僚部一

賀郡守初任

賀泉州李守啓

曾通判

宋王邁

詔從琛節就領銅符上念大邦疇可代西清之後公
當遴選依然頒南國之春福星不易其舍躔膏雨若
私於潤澤敬裁吉語上徹賀牀竊以九重親攬於政
樞一相兼總乎衆職浴爾羣牧必觀御屏上之姓名
啓雋類函卷八十三

至如巨藩參戎夾袋中之人物幸直儒之報政繼國
子之千蕃召前杜後之歌謠播於道路蕭規曹隨之
事業均此權輿恭惟某官氣質涵乎天和出處關於
世運早負掄魁之譽謂過司帝學之範模要路在前
不屑入公孫之詭斜飛補外肯來題仲舉之輿視象
牙蚌貝之珍與瓦礫等約龍戶烏檣之至若符券然
風標凜冰雪以自持心事質鬼神而無愧果徹瓌旒
之聽卽凝燕寢之香回觀半刺之舊游恍如昨日細
攷清源之前比創見此除方元戎之命始頒而通國
之人若失槩以名流而接武藹然和氣之如初龍黃

以父母而臨民其心則一馬范如兄弟之義故特姓
不同教條初平仁聲交暢峴來而穀自賤穡物惟平
惺用而年不饑活人必衆行書循吏上上之考不
後尹熙熙之稱惟是公道開明諸賢嚮用使元結得
數輩民物其殆庶幾生李晟爲萬人社稷又將有託
其受知最厚愛助尤深謂居上固戒於不寬而從善
亦難於爲政屬邑之縱胥吏大姓之侵細民軍卒橫
而紀律不明保障弛而備禦不素去城五里白晝敢
攫金而去之並海數家黑夜有負舟而走者此非可
以柔而獨理又必當克愛而用威非敢勸高明爲一
切之謀蓋深恐衆庶玩習寬之政必按貪斯可言義
必除暴所以爲仁豺狼去而良畜始蕃根莠發而嘉
禾乃殖敢憑宏量僭獻愚忠惟善人受盡言諒辱誼
襟之容納集衆思廣忠益願爲相業之栽培

賀謝太守啓

宋王邁

伏審陞華寶宇移鎮玉山碧草綠波殊鬱然崇之父
老朱幡皂蓋已歌騎竹之兒童安得一語借寇君於
帝前正恐兩州爭杜公於境上去思之極喜耀伊何
恭惟某官書府十牛相門星鳳夢池塘之草家自有
於詩聲鄙堦砌之蘭世共推於儒傑思昔先正時維

巨公使吾君爲堯舜之君今猶被於宗社以所學皆
周孔之學端復存其子孫獨先生自取之廉有識者
見謂之屈屢乞一麾而去過飛五袴之謠方茲蹈德
而詠仁柰何奪此以與彼雖未覺雲霄之迥已頓驚
分野之殊恐開藩之未閒不俟駕而歸覲前有召父
後有杜母賴拊摩凋瘵之餘坐而堯言進而舜趨
獻納熙恬之盛某猥誤衮褒之辱每虞製錦之傷鳴
鳳凰於高岡式後九苞之瑞世徒覬鵬於溟海莫隨
六翮之培風

賀真州洪守啓

宋劉克莊

伏審申錫璽書榮分符竹迎鑾置郡舊稱江左之繁
雄當寧選侯暫屈朝中之名輩甫先聲之入境已和
氣之滿城矧肆走趨敢稽迎候恭惟某官風規高潔
宇量崇深蹈名義之大開襲文章之正印忠宣使節
何慙歸漢之蘇卿文惠秉鈞不減過江之王導玉帶
樞臣之碩畫金蓮翰長之雄詞重惟明公克肖先烈
頃陪髦士驚振振以千飛既覽德輝風縹緲而高逝
歛青雲之逸步尋綠野之舊遊會在庭渴見於嚴徐
而中禁嘆無於頗牧亟頒一札趣建兩轡廟論憂遊
方急防秋之計家傳許國寧爲擇地之謀迺眷吾州

號爲重鎮雖長江天塹護洶湧之波濤然數處風寒
合網繆於戶牖諒規模之素定使精采之一新澤中
之鴻鴈莫居帳下之貔貅稟令前旌所指樂哉皂蓋
之行春左轄久虛行矣青檀之復舊某讀書雖苦涉
事至迂耕汾曲之田可支饘粥遮長安之日誤棄釣
竿本深入於閭中忽遂移於塞上倦遊已久念自放
於一丘泥古不通了莫諳於三尺竊承開府預恐曠
官倘尚寬震懼之威庶獲舉平反之職哀矜勿喜蓋
其小小之所聞深刻寡恩諒亦君侯之不喜

賀平江趙守啓

宋洪适

啓雋類函卷八十五

四

恭審課最周藩班升曉閣奎驪新度視文昌八座之
尊磐石舊封增扶風三輔之重旄倪歡牝麾幟精明
恭惟某官行整而氣醇材周而學邃九霄玉露抗仙
掌於建章柏梁之間萬里銀潢泛靈槎於黃河崑崙
之表天不虛生於龍種人皆想見於麟儀洗京路之
緇塵訪江湖之奇觀爲民司命與國分憂上方深思
肺腑之臣公乃近牧股肱之郡勢強宗翰福及王畿
趣下詔以召參爭遮途而借寇爰進弘璧地球之值
又爲清香畫戟之留昔者房喬首冠瀛州十八人之
選今焉黃鶴獨高賴川二千石之功有開入相之基

卽豈致君之業某埋頭塵駕寄命恩閑頃嘗曳裾於
天府之遊辱賜推轂於公車之辟奈迫倚門之望徒
屢飛騎之追竭來東楚之平反聳聽西清之顯耀起
而舞手知所屬心月朗虎丘臨照何分於疆界冰寒
燕谷生成早轉於陶鈞倘借餘波終歸大庇

賀趙守到任啓

宋劉宰

輟從西閩來護北門顧縉紳賀厦之攸同况韋布受
塵之自舊恭惟某官澄秋爽氣霽月英姿探三易之
旨於未畫之前總七略之要於既分之後雲煙落紙
炳然華國之文樽俎折衝允矣濟時之畧屬方外禦

啓雋類函卷八十三

五

式猷壯猷羽扇綸巾周公瑾之當赤壁輕裘緩帶羊
叔子之鎮襄陽坐令故國之山川爭上有司之圖籍
顧於今股肱之郡無如吾父母之邦况松下吟哦勝
踐猶遺於贊府而棠陰蔽芾去思未泯於鄰封易地
而來闔境之幸正簿書於始至黠吏革心折獄訟於
片言譁徒落膽倚須治最卽奉詔還某因病棄官由
壯至老領鬚如雪志念已灰十五年無趨進之階三
萬里悵仙凡之隔紫蠲泓瀕聊申鼓舞之私漫浪江
湖尚置網羅之外

賀王泉州守啓

宋○壺山

分齡起家建牙之鎮刺桐望重暫遷棣府之冠郎時
竹聲歡擬道梅溪之孫行敬馳尺札往候雙旌恭惟
某官賦分天高奮身地峻青藜宵映偏引領於群仙
翠被曉寒滄灑輝於列宿鳴鳳池可契券取鷄翹
豹尾在咫尺間去而違之嘻其滯矣意造物忌聲名
之太早抑公朝欲賢望之更深食蘂則貪夫廉拔難
則巨姓服先聲所至輿誦交孚何須燕寢之席溫已
拜鷄書之字濕君門遠無萬里直最政之易聞刺史
列至三公况榮進之素定某偶茲將指行且承顏瞻
崇國之新陰紀荀班之舊語美疾也藥石也均置勿
啓雋類函卷八十三

言保障乎繭絲乎願竊有請

賀臨江到郡啓

宋王義山代

光膺鳳檢榮領虎符上念大邦誰可任承宣之責分
當遴選正有資撫字之功和氣先唐而已乎歡聲旁
達而交慶恭惟某官才高識遠志大氣剛絕似乃翁
僉曰父前而子後仰惟伯氏所謂今人而古心此家
學之相傳爲時流之最偉朝家重之爲天球夷玉天
下目之爲景星鳳凰因恩累政以來誰擅賢侯之譽
王留耕之講求民瘼極力救荒張松山之請免楮皮
爲人除害此二公所以過登要地而一郡所以指爲

美談自非我公曠繼前哲行即歌騰於襦袴佇看龍
錫於絲綸某聞道最近讀書能幾思昔我祖嘗恭司
宗爰念箕裘易染膏粱之習俾同韋布力加翰墨之
工妄希科目之華不墜詩書之澤家聲雖寂每思家
學之傳世祿縱榮猶望世科之繼不謂濫叨於秋貢
至勤送上于春官奏賦入明光之宮豈能忘於妄想
出門問長安之道願指示於榮途

賀程侍制知温州啓

宋朱松

伏審甫趨召節亟拜綸恩延對西清雖渴嘉猷之告
偃藩東道重違榮養之求諒惟物望之念諧豈獨私

啓雋類函卷八十三

七

宗之欣屬恭惟某官材高國棟望重耆英踐履純明
凜奉身之一節風猷強濟歷盡瘁之百爲越從記注
之嚴出總委輸之寄被恩言于三錫素簡清衷席峻
望以九遷待周華貴巧便親輿之養就分師閭之符
倖狂寇之鯨鯢出遺民於塗炭果膺號召益見推明
陟降殊庭副及席輟餐之歎藩宣外服有擊鮮戲彩
之歡度少偕於名邦即進嬰于密務某門闌下列鄉
鄙晚生鑒柄不謀了無心於經世斗升自役方苟祿
以逮親誤蒙收錄之恩因有攀緣之意陰虬自躍倘
密會於風雲朽木難雕或蒸成于芝蘭永言欣懌吳

罄敷宣

賀徐信州啓

宋周必大

紫泥封詔皂蓋隨車起簪橐之近臣鎮股肱之名郡恭惟某官淹該博古端重鎮浮早歷華塗多士共推於耆德比躋禁路嘉猷屢沃於淵衷暫違兩觀之觚稜旋昇上饒之符竹民淳事簡顧卧治以有餘望重資高諒遄歸之可待卽觀其政用罄同寅某繼高躅於柳營託餘輝於汾社懋崇勿翦居懷召伯之思維梓必恭遙詠周人之雅其爲欣頌固旣敷陳

賀太守啓

宋周必大

啓雋類函卷八十三

大君有命介人維藩襄贊父之帷甫臨樂國詠廉君之袴已致歡謠恭惟某官雋軌名流儒紳舊德氣浩然而不屈故每任於行藏名藉甚而益新宜久隆於獎擢方聖主重牧民之選俾近臣膺分土之榮謂其日侍於禁嚴可以熟知於德意肆煩着哲來表循良以秋官議獄之明於聽訟乎何有以版部理材之效則裕民而可知望之旣試於平原汲黯卽還於禁閤某披風已幸聯事更榮輓輿非長正賴幃幃之庇懋崇在望敢辭原隰之勞欣懌居多踰陳莫旣

賀鎮江董知府啓

宋周必大

升華中秘擢守南徐綸綍初頒旄倪宵悅伏惟某官忠孚霸府譽冠時髦雖迴翔久試於外膺而簡注不忘於上聖昨奉楓宸之對亟參蘭省之班遽出總於軍儲仍就紆於州紱三年攷績方稽虞氏之舊章滿歲爲真姑用漢京之盛典矧寓石渠之直彌增銅虎之光言念衰蹤密依鄰庇跂望陰之在望知河潤之旁霑欣幸居多叙陳奚旣

賀運信州啓

宋張綱

伏審光奉除書遠臨巨屏一麾出守暫分宵旰之憂千里承風已服神明之政恭惟某官才不世出道與時行養之有源學問窮於壺奧發而中節功業蓋其緒餘粵從清切之班屢屈藩宣之寄遇盤桓而必解恢遊刃以有餘矧茲上饒實古名郡徒得君重載煩卧閣之能旣結主知卽赴追鋒之召如某謫陋夙荷眷存回想石渠恍英遊之若夢登瞻熊軾覺良晤之有期歡抃之懷叙言曷究

啓雋類函卷八十三

九

賀鎮江汪守到任啓

宋張綱

宋張綱

伏審錫命中宸更符巨鎮旌騎方聞於壓境閭閻已浹於歡聲恭惟某官德配古人名重當世獻納蚤膺於皇春文章獨揆於天庭粵從清切之班屢出蕃宣

之詩以鐵筵江山之勝付玉堂詞翰之宗風醇而猷
訟不繁事至而笑譚可辨及長孺之治民清靜信卧
閭而有餘黃穎川之下詔稱揚諒追鋒之不晚顧茲
朽鈍久辱眷知占籍治封正賴忭懷之庇杜門卧疾
尚稽桑梓之恭緬想光儀但增欣忭

賀池州葉守啓

宋張綱

伏審光奉明綸寵臨巨屏妙簡西清之列暫分北顧
之憂下車云初闔境相慶恭惟其官道貫三代學通
九流屢更藩翰之勤綽有神明之政矧池陽之名郡
當江左之上游兵火仍災痛創殘之未補閭閻復業
啓雋類函卷八十三

仰慈惠之方深行聞卧閣之功遂促追鋒之召某稟
生甚拙慕德惟深將命在途斷喜封圻之近造門有
日卽詣雲霧之披

賀寶慶李知府到任啓

宋李劉

錫命克符開藩龍邸鄴侯出守衍苦李之盤根召伯
來宣新甘棠之美蔭歡騰千里喜溢四隣恭惟某官
筆橐世臣箕裘家學稟衡嶽之淑氣真磅礴而扶輿
汎濂溪之光風聊逍遙兮容與旣瞻星轡之畫又司
天塹之糧所去見思厥臨孔惠自合歸軒堦之供奉
顧猶試田里之循良惟此三湘壯哉二召考姚合之

句誇五雲才子之徐參韓翃之詩詔萬里滄波之勝
矧今新府密邇故鄉汎掃松楸宿存糧而可至綿聯
桑梓畫衣繡以何殊暫擁戟香吸過圭觀其漫爲佐
貳正託附庸向欣一識於荊州今幸再依於劉表偶
欲叱叩疎之馭維隣燭之久分尚或濯滄浪之纓叙
宗盟而後去

賀平江越知府啓

由尚書起

宋李劉

通班媯閣作牧吳門厭承明之勞出嶺黃堂之寄游
姑蘇之勝請吟畫戟之詩和氣先庚而已乎歡聲旁
午以交慶恭惟某官飄然無敵卓爾不羣重祿勸親
啓雋類函卷八十三

亦既曳星辰之履大宗維翰乃欲把江海之麾尺五
之留甚堅再三之請滿力君陳順我后于內寧煩更
尹於東郊召公繫諸侯之風何害暫分於西陝登以
瀛州之秩試之馮翊之邦月滿一輪虎丘幸甚河潤
九里鳳闕賴之無以我公歸兮恐須衮繡有安社稷
臣者宜在廟堂某全抱迂疎獨蒙賞識燕巢于幕正
有望于捲簾鴻漸于磐今若爲而遵渚然感恩正在
于知已則受德豈待於成身使相國賜之相國禮之
則韓愈亦人耳此執事事也執事責也於蘇洵何有

賀長沙衛守啓

宋李劉

嶺容舊弼中 价藩泰階六符下照星沙之地元戎
千乘大開天柱之雲前矛甫臨全楚底豫恭惟其官
洪深而肅括明允而篤誠魁下三台付榮進於素定
胃中五色補造化而不言由兩池以養恬爲二天而
出守宸猷定命聯漢殿以通班甲令著忠盡衡山而
賜履三麟訢合竹馬歡迎令相安流使嶽修貢政平
訟理而無愁歎聊寬南顧之宵衣國小地狹不足回
旋卽僕東歸之書錦其濫揚前旌幸及戎瓜以望君
如歲之心願言叱馭然用汝作霖之命猶恐追鋒

賀劉守啓

宋方岳

啓雋類函卷八十三

十三

恭惟其官玉璫黃鍾之函和瑤瑟朱絃之挺直蚤策
勲於翰墨乃課最於簿書龍左角爲天田肆陞華於
九危駢右駢者刺史訖自詭於一麾上若曰古君子
之儒時則入漢循吏之傳以去帝城不遠耳蓋潤九
里而及京師然豈君相之意哉乃先一州而後天下
聞有迅召願無疾驅某自守甚迂見謂之拙思昔中
牟之化今已在七不堪之中正復陽城之生亦付之
六太息而已過不自料勇爲此來一用其策之平平
兩書其考之下下有民人有社稷久矣厚顏爲保障
爲繭絲縻手掣肘公既至止吾知兔夫披雲霧而

青天敢忘賀履爲草木而思覆露或可逢春

賀瑞州游守啓

宋湯中

恭審鳳詔起家魚書領郡簪蓋德星之社風幸論交
槎通靈漢之津茲欣邇潤輒馬寄廬寅慶拂龜欽惟
其官精識際天懿文振古典刑是似英英御史之名
家惻惻無華繼繼默齋之的祠早騰清貫寢簡皇明
金耀主書旋贊奉常之禮樂緹輿欽惠游馳刺史之
旌麾泊棘路之躋聯參稼卿而進貳龜還可族鴻去
彌高屬勤宣室之思首遴御屏之選寵分半竹來訪
瑞芝雲出無心晚偃松而懷古春如有脚俯翠樾以
啓雋類函卷八十三

十三

賀瑞州游守啓

宋陳乘之

芝檢頒香竹符疏籠昔居烏幕嘗登名侍從之門今
受滕塵又覩新使君之政未展望塵之拜敢稽賀積
之恭欽惟其官天韻宏深風猷凝遠家傳詩禮學宗
東魯之師門盛衣冠人誦西平之子典刑是似

俱於一通籍於金閨進班於玉節華參省架護簿
書文籍之藏班陟社司明禮樂典章之故自爲丞之
再轉旋出守而一麾六龜方戴於瀛洲五馬又驅於
蜀道春茲斗壘著此星躔矧今道院之主人來自武
夷之仙洞百萬戶蒙福已聞禱禱之謠十二旒簡知
佇復囊璫之舊某壯行漫仕老去役閑思觚稜之重
游恍如昨夢玩珍臺之真樂頗遂初心託身蒙地主
之恩共社有年豐之樂偶然浪出訪尋坡老之雪堂
久矣懷歸願傍召公之棠舍編摩語淺贊訟情深

賀魏宣州到任啓

林下起用

宋周必大

啓雋類函卷八十三

十四

書頌一札夢應三刀起異時廊廟之宗工付今日股
肱之巨鎮印符甫至條教已孚恭惟某官華國文高
經邦道廣溫溫自克如琬璫可薦於郊且稟懷後凋
若松栢靡欺於霜雪早翱翔於兩禁旋總攝於三銓
屢煩仗節之行直定和我之利帝以勳善竹帛題漢
京兆之沙公方志在煙霞高絕浮丘之袂逮宣室深
恩於賈誼俄延英復召於裴公已勤越嶠之鎮臨更
屬宣城之清司雖云新治時乃舊遊旣民情風俗之
週知宜德望恩威之素洽澄湯咸有一德寧久外哉
惟說命總百官即延登矣其夙叨造化喜聽絲綸職

在兵儲莫展朱轡之雅拜心依釣璫得連赤舄之通
歸欣頌交懷叙陳奚究

賀李樓峰知鄂州啓

宋文天祥

日陞楊綸永輅作屏北斗丹梯勾陳玉檻聯郎宿於
天階渚宮碧樹巫峽青山迎福星於江夏光稠符玉
色動轡絲恭惟某官鐵馬行空金虬驚海離離珠壁
府懸黎垂棘之光耿耿斗牛墟干將莫邪之氣灑翠
竹碧梧之韻度發清霜紫電之神奇太微二十五星
在搖江漢祝融九千餘丈節倚雲霄當驅馳吟遣使
之詩每慷慨讀出師之表落落襄樊之事會悠悠江

啓雋類函卷八十三

十五

漢之風寒局面一新機神頓聳師垣制勝集忠益而
開誠心帥闔請行從便宜而上方略式承先志孰與
明公乃峻永臺乃陞寶度練鵠錦之廉車改觀黃鶴
樓之衛戟生風餉高密之師借徇河內詔西平之子
贊度淮堞節鉞合而氣勢張弓矛重而精神壯北伐
歌功於六月中興刻頌於萬年樓船過洞庭旌旗直
下閭闔開黃道袞冕歸某方協寅衷喜傳卯詔界
上爭杜衍想共戴於我公方面待垂崖將遂誇於吾
榜行行會弁疊疊賀牀

賀彭知軍冬至啓

宋戴翼

日運璣衡欣際一陽之復星聯麾節茂膺百福之升
式對昌言恪陳善頌恭惟某官以六經澤行四時春
二千石循良方徧作南安之化兩十四州證察又散
爲東廣之恩波屬迎愛日之長尤煥福星之彩梅開
春早已報暖於南枝芝檢星馳佇趣裝於北闕某久
席二天之庇欣逢七日之來稱觴上刺史之堂悵無
六翻吮墨奏小夫之牘徒有一忱愧與智并意非盡

郡守摘句

宋李 劉

銅虎初分光生漢日玉麟修佩禮冠隋年 錫命蒐

符開藩龍邸 蟻封試馬牛鼎烹雞 千騎長人一

啓雋類函 卷八十三

十六

麾出守 牙旗鐵馬虎頭素重百城寶帶金魚龍尾

仍通八座 漢虎分符隋龜拂印 弭節江城建牙

輔郡 雕戈皂蓋衣繡裳 君夢三刀民懷五袴

魚佩虎符香自凝于燕寢鳳城龍首患何有於鯉

溪 民起來暮之歌公有衣畫之寵 高牙大纛屹

隆屏翰之維今袴首禱諒借京師之潤 薄分半竹

之符少憩并棠之陰 虎頭城下爭爲竹馬之迎豹

尾班中催看槐龍之舞 雙旌兩輔頓覺偏城之重

一襦五袴畫回寒谷之溫 袴歌今五日逢叔度之

來刀夢百三允獲王公之贈

賀保慶管牧伯啓

明萬世德

雙旌出守特分微宿之班五馬行春高射井堦之耀
方持籌於紫塞忽權傳于皇華一路生花十連蒙澤
恭惟其官水壺清徹玉井淵涵奏賦明光金領握蘭
之直度支關塞總專飛粟之司妖氛忽見南陬虎符
急趨東徼隼旟能軼塞帷紆丈二之華鶴傳龜裳入
境擁十千之衆無襦有袴民歌叔度來遲麥穗桑枝
農得張君樂甚某幸附同舟悵違外闔恪修賀牘敬
展頌言賢大夫在朝廷登容去國良刺史守郡邑正
賴得人不可盡編刊祗深踴躍

啓雋類函 卷八十三

七

賀南昌太守啓

明彭 瑀代

皂蓋朱轡五馬新分符竹青縑白被九霄舊握蘭香
辭西省之仙曹守南昌之故郡福星甫照瑞映江城
耳而隨濡恩覃澤國恭惟某官江左名流斗南傑士
吐五色之鳳光絢日華奮萬里之鵬快搏風翮題漢
廷之姓字風流誰繼田郎續晉代之微言名理人推
樂令緬維洪都夙稱瘠土往大稜之凋疲尚未盡起
茲頻年之旱潦頗復相仍望歲者閔閔而盼雲霓待
哺者嗷嗷而呼庚癸帝念二千石之任於民最親衆
選廿五星之英得君爲重遂使斗牛之野真人叶

於大丘豫章之庭禮士再瞻於仲舉彼撫字催耕饒不憚勞而諱拙則昔稱今禱自將以有而無難曰一郡得賢實爲萬物吐氣某身非徐裨夙承下榻之知識讓任崇愧乏當門之諷徒以竊升斗之祿畜維一樊乃未奉咫尺之書遺魚竿里視騎竹以歡迎者已有而笑卽鞭浦以示罰也可勝誅乎茲假便郵聊申積悃故鄉無際地雖遠隔馬牛大厦可依心實慶同燕雀仰惟電炤曷任冰兢

賀程信吾太守啓

明蔡復一

持橐筭孤舊識排闥之事業行車麥秀新開露冕之

啓雋類函

卷八十三

威儀春忽到於薜蘿憂遙瞻於丘壑恭惟某官丰神標令望實輝華學攬九流十星文於有象胸吞五緯補造化而不言爰裴杏苑之芳卽總柏臺之峻批龍鱗而定國是日月賴以昭回戔牙角以觸官邪山嶽爲之震動解中執法拜外牧臣白筆暫輟於樵漁倉生爭問其出處江湖卧穩久得田里之身天地恩深重披繆蒲之詔謂合歸銅龍之供奉顧試竹馬之循良在帝不忘禁園之虛惟天實造溫陵之福借長孺於民吏寧滯淮陽倚望之以公卿姑先馮翊昔馳除命燕鵲款款其懷音今奉恩光草木欣欣有喜色行

踴躍贊於漢史載續召畢於周書某少抱深心拙成情骨不量入之非古妄欲追尊繪之蹤何幸政之方新竊與聞襦袴之頌敢希下榻殊慶受塵獲從野老之餘皆是邦君之賜慚羈病屐喜奏俚緘想民勞之可康無虞魴赤念公入之伊邇欲賦鴻飛觀游刃綮綮之間聽曳履凝嚴之上

賀陽生白太守啓

明蔡復一

漢郎占宿分來塞曉之星楚客賦風攜作隨車之雨襟期惟舊蔭映方新睇泉郡迭矣波臣稽圖經昭哉文獻醞含玄素削繪卷著橋讀忠惠之碑蹟伴峴首

啓雋類函

卷八十三

祠拜西山之火社軼桐鄉至今稱君子之是邦曰昔事大夫之賢者譬如鳳過鼉燁猶施於竹梧何幸麟儀春澤旁濡于疊草名儒親見仁政彌光依韓榜之獨榮受騰塵而相賀恭惟某官孤標領袖清韻紉蘭練鶴摩霄塵外凌虛承露之高堂金虬驚海仙中貫月泛斗之靈樞風流宿挹於含香治實試徵於遊刃銅魚剖佩和氣先庚竹馬迎輿歡聲旁午方且瘦防多牧鋤稗吏之害苗靜悟享鮮扇賜人而息檄蝗赤黑以皆遁鹿斑駁其來從矣其燕市聯鑣初訂戴笠之揖彭城綰帶重溫盟玷之寒一字拔才慚子尼名

入太守兩言書考喜道州志遇清時步履村村應謗
新尹緋袍戀戀敢望故人指榕樹以歌棠托江鴻而
繫帛故鄉無際地雖隔平馬牛大厦可依巢竊附於
燕雀願言杲日照此丹誠

賀姜同節太守啓

明蔡復一

天迴露冕耀江南之福星地擁威權灑海濱之靈樹
色欣閭嶠聲涌燕雲恭惟某官鍾鼎名家璫璣雅望
表倬倫於同被兼擅文鋒徵巨世於鈞璫更推少穎
萬事水流而不競孤標山立以難移嘉石棘木之平
論先尚德金馬碧鷄之使頌侈得賢何幸泉山獲依

啓雋類函

卷八十三

二十

幡蓋披裳問疾垂愛景於陰厓懸鏡燭幽湛清霜於
蔓草白鹿游而夾轂丹鳳下以臨城遂使雙塔召羣
金焦在望三安雄麗吳會同風寶蓋飲清冷然任君
之水刺桐交陰宛爾召伯之棠虹橋配忠惠之永思
屬碑接西山而堅勒矣某攀輿鳩一日之誼尚阻瞻
眉聽劬鴻萬戶之歌聊同鼓腹屢欲棲於賀燕門倍
跂於登龍饑餒粟囊暫托空曹而偃蹇先今襦袴笑
分故國之悵襟飛羽遙將結思先往

賀蔡五嶽太守啓

明蔡復一

六鰲連釣手開海嶠之雲五馬班春身作泉山之雨

遙薰和氣已鼓先聲稽郡刺史之多賢惟宋忠惠之
最懿橋鞭秦石似接清淺於蓬萊社配庾亮猶感謳
歌於孺子其深仁不朽業留循吏之思然若烈繭高
有煒名臣之傳占公侯而必復樵父老以侯蘇恭惟
某官炳緯列星靈樞五嶽筆端藻火舒四照於文林
皮東陽秋澄九流於心鏡神清桑梓之茗看月懷水
韻美碧溪之醇霜年挾纊屬鍾山久推謝傳而漢室
欲試望之遂借朱轡特臨赤社修荔枝之譜水舊遶
平壺蘭撫刺桐之城雲更生於寶蓋低徊香火重見
異人壁畫山川一新往事使是邦有前後蔡之頌奚

啓雋類函

卷八十三

二十

帝史云大小鄭之名抑希韋之李易波豈鄒魯之風
難挽學繡筆而自得則疎家儉蓋藏而相師日後
崇讓勤追於劉賓客或歎於顏舍此識者私存廓
革之憂而憫然登觀下車之化宅寧鴻鴈軫小民之
農桑庭黜陽驕從先進之禮樂在公善世非俗吏之
所能爲異日立朝宰天下何以易此其偶成小草謨
藥釣竿新蔭耳棠歡聞襦袴子民敢附於公姓楚客
倍感於越吟聊鳴賀履之音兼寫受厘之喜紫柏白
莧想自種在齋閣之中枯篠焦桐莫相收出管絃之
外采濡雖淺嚮詠惟深

賀秦道吾太守

明馬朴

五典佐王績茂握蘭之省一麾出守寵新剖竹之符
天福襄荆地輝河華恭惟某官才高幹國器重聞家
藻振丁年芥拾甲第立西曹而司臬蜚聲陶淑問之
聲行南國以祥刑布虞舜好生之德欽哉惟卹既致
理以例成敬敷在寬仍擾民而參化計艱軍國常虛
刊刃之投司劇版圖獨裕芬絲之理燁燁雙龍來于
帝闕駢駢五馬出自神京鼓吹歸鄉里羨畫遊之
錦檐帷旋起閭閻歌夜作之禰行將徵拜還朝且看
前名題柱某幸聯梓里願識荆州頃牙隼熊旣艱側
啓馬類函卷八十三

賀岳州胡太尊啓

明王兆雲

虞廷亮采治行莫重於有邦漢室循良相業必先於
領郡恭惟某官東壁西崑洞丘墳於武庫騰蛇起鳳
駕班馬於詞壇聊展會計之計謨用培國家之元氣
帝眷荆岳而重上游遂借仁賢而降新命才兼文武
端如萬里之長城身任安危應措四民於衽席豈直
旌烏鵲於數下行將集彩鳳於城頭某毛羽未成曾

附鵬鵬巨翼薄書有幸將藉延楹宏席馳系龍光寶
切傾企之悃肅將函素用申葵藿之衷

賀郡守梅公啓

明陳王庭

坤輿列鎮舊推江右之雄王國選侯暫屈吳中之彥
甫先聲之入境已和氣之滿城麾幟精明旄倪歡抃
恭惟某官承天柱石挈國舟航文章麗春藻之華名
譽散秋蘭之馥筆下有千鈞勢雄生鐵騎之風胸中
無一點塵清湛金莖之露天不虛生于龍種人皆想
見其麟儀頃者一札奎芝半符分竹隨車甘雨喜逢
聖天子之循良連路福星快觀新使君之渥澤滕王
啓馬類函卷八十三

賀廬州張太守啓

明諸葛昇

星輝金斗遙瞻五馬威儀霞綺玉符增重入公氣色
藉在璧光所照均茲慶隆爲榮械托郵風輒于巖
恭惟某官天池鯉運王屋鳳鸞鴻猷懋著於考堂

譽宣騰於起部一麾借鼎靈徵浮海之槎三輔褰帷
惠灑凌雲之樹忠定公稍稍不俟五載而信成元
結華落浩然已知萬物之氣吐其釋釣嚴灘執鞭孔
道邑如斗大幸依東藩千騎之雄喙且尺長夙貯南
豐一瓣之敬徒瞻九霄紫氣揣骨非仙莫倍半畧清
光覺形轉穢情自知龍門之陡峻負敢隨燕尾之差
池仰鑄洪鈞鐵以頑資而亦化俯垂汪茹葑雖下體
而不遺

賀兗州劉守啓

明李沐民

恭惟其官鳳麓儲精鸛洲毓雋占全閨而通籍聲動
啓雋類函卷八十三

京華趨玉陛以承恩參魯國展布弘施於驥足經
綸茂著夫鴻猷又道化成棠蔭陰聯岱岳深仁澤洽
恩波流溢泗沂泰寧之治行稱循雙龍簡命魯兗之
勳名報最五馬標奇廷嘉社稷臣再試望之於馬翺
帝重股肱郡尉留長孺於淮陽紫綬金章光映霓旌
之色朱轡皂蓋和畫戟之春其夙荷幘幘馳騁情
牽乎兩地近勒瞻仰翹企報歉乎二天喜際鸞還肅
申燕賀

賀徽州楊太守上任啓

明戴新

紫極分輝幾輔倚壽域之重黃山謁瑞屏藩推畫戟

之至德素洽於人心位特隆於帝眷歡騰朝野運際
雍熙恭惟其官河漢炳靈斗山超望月掛我眉而朗
耀彷彿風儀江迴濯錦以連漪依稀文藻人間利見
真同威鳳祥麟天上嘗聞每現箕星昴宿姑植甘棠
于兩浙猶存蔽芾山陰繼施惠露于三相已致澄清
雲夢內而熙載久著平成外則循良暫煩彈壓攬六
絲而行部旋即三台擎萬里之層霄惟憑一柱其學
落不植器宇無奇幸共粉署以聯芳得藉朱絃之清
響觀金聲而玉振沾霧潤以蘭薰父深雲樹遐思忽
報星輶貴止喜作隣封編戶桑梓連陰欣登樂土春
啓雋類函卷八十三

賀洪太守擢守台州啓

明徐燭

瞻台借彩荒圻分末照之榮向若觀瀾下邑竊洪波
之潤仰希刑範幸式羽儀恭惟其官天朝柱石藝苑
鑑衡納于大麓而風雨弗迷試之盤根而鋒鋷無損
憑畫熊之軼世稱吳越壘黃分半虎之符朝重東南
保障瑞麥歌用擊壤汗萊登滿新田玉洞駕虹梁飛
瀑瀉水壺之水赤城齊斗極明霞建天柱之標誠七